



12370

序

蓉爲秀才時邑侯潘明府以道光甲申歲新任觀風得蓉等若而人送復古書院肄業值



升甫先生丁外艱自京師歸明府聘主講焉蓉入見執弟子禮先生挽手曰是吾伯兄迂旗四弟海樓蘭社交也爾我弟兄稱勿得謙蓉曰蘭社私情也書院公義何敢廢已而課輒列蓉榜首與潘明府俱以國士相期次年秋蓉舉於鄉則先生已抱沉疴蓉赴親供回登潭省視床側猶強起劇談喜不自勝再踰月先生遂捐館舍噓先生淵源家學蘊蓄甚宏少以神童入泮經術外於

序



一

子史百家已無不窺詩賦華瞻麗則不落齊梁後中間敷食餼而拔萃而副車塵戰各場二十餘載至戊寅己卯始聯捷登詞垣人咸謂天之老其才以大其發抒將出秉文衡入贊

樞禁陶鑄萬彙以建不世之勲不待言若斤斤詞翰冠時不但非衆所涯望於先生亦決非先生所自命以故生平著作卒不自收拾詎不以他日垂竹帛光史冊自有在者歟且夫晦而顯顯而晦者時也學而仕仕而學者君子之安素也使天卽靳先生以不世之勲而或縱其詣力以積至於今將先生所臻與蓉所得漸染於先

生者又當何如而天顧厄先生以詞館終不惟嗇其遇  
并促其齡斯又豈獨蓉之私心隱憾不能釋然哉今則  
無可如何致先生以詞翰存且不獲存什一於千百徒  
使仲寅明府搜羅散佚得若干首爲吉光片羽之珍而  
矚余爲敘嘻蓉何所知而能敘先生哉顧念先生當日  
期許之殷今猶未及副迴憶二十年前來往潘明府署  
中主賓師友談文之樂知己之深觀磨奚似未幾潘明  
府亦旋後先生而終且不有難弟如仲寅其人輯梓遺  
編以傳蓉卽欲附名簡末不可得而先生嚼餘珠璣猶  
照耀人間是亦文人不幸中之一幸也蓉用承仲寅翁  
命而爲之敘其梗概以俟夫讀是編者當進有知於先  
生云

道光二十三年冬月門生李鏡蓉頓首拜譔

序

詩有詩教溫柔敦厚是也有詩學興觀羣怨是也漢魏以來卓然名世者要皆不外乎是而各因其性之所近以自成一家之言顧其與古同而異異而同自有其真不相假亦不相揜也而後人遂因影以求真因聲以求似依門傍戶爭相樹幟後遂詡詡然自誇於人或曰吾學漢魏六朝者也否則曰吾學三唐兩宋元明者也不知其形愈似者其神愈離如是而詩之學失而詩之教亦失然則詩亦第存其性情之正而已豈必規摹古人以自泥哉吾兄升甫浸淫百氏強識多聞居恒間有吟

觀菴詩鈔序

一

詠抒寫胸臆初未嘗以詩自鳴故篋緘所遺存者無多恒從戚友處廣爲蒐訪合得古今體二百餘首今取而讀之其清新逸俊與夫渾灑樸茂之氣洋溢行間視古所稱陶謝庾鮑者殆庶幾焉蓋骨格本乎性成而風韻則由情出其境地非可以勉而致也夫幽蘭生於空谷不以無人而不芳荷衣立於水上不以出泥而或污讀吾兄之詩因以想吾兄之爲人自有其真若謂其升何人之堂入何人之室則漢耶魏耶六朝三唐耶吾不必比而同之吾又何能強而異之歟書曰詩言志信哉弟

恒輝謹序

魏菴詩鈔卷一

安成升甫阮燦輝

泚水曲

溶溶泚水清且漣源自泰岡岡之巔泰岡距此七十里  
瀆泉溪闌通斜川波紋皺月光炯碎溜響撞石寒流涓  
岸頭柳綻黃金嫩溪上松老龍鱗圓繞樹鴉占孤林外  
隔河人待斷橋邊少時愛此納浴慣春風秋月同結緣  
浪遊漫作江湖客塵跡那復聞潺湲今日家園爲尋樂  
勞動東君與周旋思詩欲贈間雲去安心且學羣鷗眠  
倒衣命駕毋嫌速清波照我留情牽况是勝境不求賈  
魏菴詩鈔 卷一 一

求之無惜百萬錢

春行

科頭隨散步目極野林蒼小雨添花潤初晴發菜香心  
隨流水靜面受晚風涼領畧溪山趣行行過別塘

古意

曠然契無始獨立三山巔返璧雖云美所計終俸全鳳  
皇翔千仞矰繳不能施歎息雙翠鳥乃爲金丸馳物理  
固如此智者悟所師修身時戰慄榮名實可思

騏驎服鹽車躑躅上大行駑馬羈棧立拙守安故常多  
能爲患害多智愈倉皇所以巖桂老不競桃李芳懸待

秋風起蕊抱月明香

西方有佳人被服異常質瑟瑟雲中會誰者相耦匹秣  
馬待睡黃晤言實憂恤恐受蛾眉詠同彼牛女黜感此  
傷浮沉縱眼觀白日蕭蕭悲風來獨立疑自失

青圃八詠爲伍肯翼內弟作

雙桂亭

雙桂亭亭立爭妍月露涼秋高風靜夜落子更聞香

聽松軒

萬籟寂無聲但餘松韻響夜深月明時風泉雜清賞

蕉牕

鮑菴詩鈔

卷一

二

偶然花深處闢此綠天居憑將千葉卷揮寫萬行書

文峯

千仞檐前落文峯聳巒巖淡看白雲閒空處滿秋色

竹徑

風動千竿竹蕭聲散影疎晴牕留碧鎖鑿此益心虛

帶水

近水環如帶灣流勢欲曲不盡滄波意日夕共寒淥

花田

種花十畝開叢簇如芳渚春至花爭發幽香無定所

荷池

清姿看玉立淨綠漾明漪池小香何盛風搖乍定時

祇山訪友

青山黃樹晚冬天又過松溪踏竹煙任我閒遊入香界  
愛君高讀遍殘年雨花淨散蓮衣上雲氣蒸浮石徑前  
料得鐘聲寒夜半隔林月挂道林邊

秋夜

正是清秋夜悠然思不禁池光浮月冷山氣帶雲沉天  
迴銀潢朗牕明翠竹陰宵長隨坐卧尤喜有鳴琴

秋曉

東方猶未白曙色漸人侵星月明河影風霜驛路心煙

菴菴詩鈔

卷一

三

榮千樹薄霧罩四山沉待我披衣起長歌思古今

登九峯菴

明鄒文莊公會于此講學

聞此曾講道彷彿識幽岑昔賢風流邈難覓空山音叢  
桂看花發鳴鐘出谷陰峯回日午轉香炷午方沉一勺  
前溪水知我清淨心

晚望

滌場村已淨天寒雁呼霜遙望煙林外莫雲何英英餘  
霞夕成綺峻嶺遠浮光翹看四山立矗然自孤蒼

過十八灘

巔江江勢鎖重圍怪石嗟峩吼古磯風力無能翻浪捲

雨聲真欲破山飛灘高亂踏鼃鼃背濤怒驚聞豹虎威  
惆悵長年爭努力松間黃犢幾人歸

虔城弔古

宋家南渡如秋葉爲憶當年事可憐母后已無行在所  
子臣猶冀中興年虎頭城背江流出馬耳山橫夕照前  
畫角淒涼吹古驛憑臨感慨望寒煙

抵會昌學署次家大人韻

滿處春光漾霽華寄居渾似殼中蝸種餘蘭菊羅含宅  
廟盡蒿蓬仲蔚家肘後何年纏斗印眼前纔此剝苔花  
老翁一職清閒甚得句吟留到晚衙

芻菴詩鈔

卷一

四

薜蘿詠

托根非果異側身乃占高視此牆頭綠蔓布殊堅牢枝  
自牽月上葉不受風號縱爾攀援切曾無媿媚勞春秋  
經幾度雪霜感風遭年年青翠色使人意也陶所惜知  
音少千古一楚騷

清明

不盡春光裏南天路幾程別來頻甲子節到又清明吟  
爲花前醉愁逢酒後醒屆時修祀事盥手薦粢盛

種菊

花須秋日開苗自春時種牕前雨三畦分土如爵封待



月梅同鋤裏露蘭與共所期長養成翹然直殊眾久且  
誇晚香能使傲寒凍邈矣陶靖節東籬情放縱對爾恨  
無錢延齡每自頌園丁知也不爲我時珍重

春怨

春風寂歷掩重門夢破榆龍塞外村正是捲簾人寂寂  
一庭花雨怨黃昏

七夕

露盤瓜果並盈盈茲夕星辰亦動情野鵲填時河乍渡  
仙橋高處浪難平喜成佳會憑誰賞涼送西風又客驚  
却笑裙裳貪巧乞月前露下影縱橫

魏卷詩鈔

卷一

五

關山行

關山寒氣入秋蚤蕭蕭涼颼摧百草旗亭不識封侯姿  
將軍百戰身已老塞上功名果誰保天馬嘶風八荒道  
望盡孤雁將何之黃雲萬里凝窮島

讀陶詩

藹藹堂前柳溶溶池上月乘風一以蕩夜境坐超忽閒  
起撫素琴清絲韻何逸于時欣俛仰焉用悲得失落落  
山海意高深誰與匹有酒不用斟誦言聊自適迢遞望  
河漢籟靜神爲壹

登半山寺同仲寅少台兩弟

吾家遠住紫雲邊武功明月兩山名高挿天遊屐歷歷幾

回蠟蒼翠光落襟袖前隨侍時隨侍家君在會昌學署今認杖巢

仄伏枕同臥明山即半山寺主名側朝雲暮雨相往還日日飽

看山青色青色溟濛醉眼中脚所未及神爲空半生雖

無烟霞癖有山不等等昏膏山下泉流通絕嶺山頭松

老結寒影蕭疎古寺落巖腰羅壁竹扉雲屋冷是時山

靈喜我來巒峯四顧晴雲開脫巾散髮窮追躡天風吹

下成癡獸魯戈不返日三舍歸隨樵唱人欲下明朝倘

憶今朝遊得味何如倒餐蕉

曉起

魏菴詩鈔 卷一 六

昨夜微風生花開落堦寂曉起踏花徑冷露侵如結山

頭樹若薺城邊霧方撤時聞喧鳥聲向我相愉悅超然

中無爲豈繫言語說

詠古

唐虞世已遠四皓將安之朝餐赤城霞暮採商山芝避

秦乃高舉去漢亦先機嗟哉天地傾干戈遘窮時薄儒

竟慢罵安用事書詩維彼四先生逸隱繫人思有如鳳

皇侶雙棲在桐枝德輝不可下網羅竟安施靡靡德復

降廢冢鍾其私奉禮四先生爲敦仁孝師從容借遊宴

高冠映鬚眉避父固堪尚從子亦所宜取譬聖人道舒

卷與時移既回英主意復返商山湄漢家九鼎重斯老  
去難追寄語後來者矯矯此衷期

聞雁

西風浙瀝雁成羣  
叫斷遙天處處聞  
結陣秋橫湘渚月  
銜蘆夜度塞門雲  
何年客子征情渺  
此夕離人別緒紛  
最是深閨聽響絕  
愁腸難寫寄夫君

春晴出遊飲賴

澤霖 雨甘同年家中

綿雨曾幾日春暖方晴  
簷簷脊浮烟高樹杪  
搖風細柳長絲冒  
鞭梅殘香入袂際  
此清和時郊坰滌蒙翳  
命駕言出遊吾聊適  
吾意緩步可當車  
鞵鞋防急蹶村前大  
藹菴詩鈔

卷一

七

布懸有酒苦難賞  
咎烏聞嚶嚶求友代  
予計賴侯迎我  
入登堂暫焉憇  
呼僮使至前  
洗酸濕巾幌  
命啟甕蟻封  
餉飲陳五齊  
相對兩閒身  
况逢夙心契  
今日醉能勝  
明日醉容繼

謝王仁圃

應麒

明府爲家大人作書

先生向我高堂過  
一事豪舉驅硯磨  
買得剡藤開玉版  
縱手爲寫獅子歌  
獅子傳聞胎烏弋  
鋸牙鉤爪森霜戈  
天生神物映魁斗  
星光閃閃輝銀波  
奮吼一聲雷百里  
能罷兕象驚降魔  
吁嗟乎先生之神真  
如獅紆蚓縮蛇  
奚足多吁嗟乎先生之書  
亦獅如尺幅吾寶同璠瓊

過觀音寺贈寺中上人

平生僻愛是林泉，况復祇園近水邊。每到課餘詩興慣，閒尋野徑又蕭然。

半疎半懶松霞性，無燠無寒澹蕩天。漠漠泉聲聞古佛，離離樹影上蒼煙。

老僧已入禪心定，獨我猶慚俗累牽。可是拈花花一笑，數聲清磬白雲邊。

歸來夕照已千峯，到處溪頭響野舂。一渡橋橫人乍渡，隔江又數暮煙鐘。

同仲寅弟赴省鄉試蒙劉味顛企堦明府以詩餞

匏菴詩鈔

卷一

八

行次韻奉答

秋風日夜捲雲顛，欲駕洪濤引舊船。年少看人爭脫帽，途窮慵我學搖鞭。浮名不斷三山夢，薄恨曾縈九月天。多謝岑羲期許厚，丹臺果否有前緣。

會昌峽口

兩山互綿亘，一水貫其中。鐵壁懸斷絕，突兀凌青空。不知誰開闢，巨刃摩天宮。削成根虛無，倒浸波西東。壑轉晦明錯，樹老丹青濃。搖舟下灘去，一破碧濛朧。

鬱孤臺懷古

此地曾經過客同，茲來憑弔意全空。千年斷碣荒煙裏，



碧牕何事也吟春開對詩書倍有神戶外一山青入畫  
簷前雙燕語留顰談文君擁紅袖舊問字人來絳帳新  
東閣宴開朋滿座慚予還是薜蘿身

上巳踏青偶作

倏忽韶華上已經又攜春興到郊亭來逢陌上三三侶  
行踏洲前片片青楊柳有風初吹絮桃花無處不含馨  
歸與猶記橫塘路十里鷓鴣啼耳醒

古意

江水回清籟山木發清響遠風天外來吹我青雲上翩  
然自起舞風日爲輝晃始知扶搖趣勝於息塵壤誰爲  
袍卷詩鈔

卷一

十

素心人情契相邀賞

登城

城上東風城外煙人家隔屋李桃邊遙看遠樹浮新霽  
無限青山入暮妍

漁翁次柳子厚元韻

贏得生涯釣船宿持竿斫盡渭川竹溪煙江月波蕩漾  
曉風暮雨柳深深幾羣鷗認一家春往來無心自相逐

月夜

鷺渚南樓月關山萬里橫笛聲吹不斷客思渺難平高  
詠袁宏志懷人杜老情涼風千戶竹蕭瑟映長鳴

秋眺

次瀟天氣客心驚鎮日飛思逐遠征閒對西風江上眺  
橘林楓葉滿秋聲

偶作

未能騎鶴入縱山終負塵鞅絆世間元白才名空自誤  
乾坤事業竟同閒喜逢詩酒尋花檻恨鮮田園傍月灣  
萬里封侯豈吾志于今潦倒究慙顏

三十初度

青春難問價一任歲華遷覆落今猶是貧寒舊已然圖  
南憑壯志逐北愧當年卅載經初度深虞後悔牽

朝蕃詩鈔

卷一

七

古來賢達士豈不貴沉冥松菊歸彭澤蓴鱸隱季鷹但  
逢

堯舜主肯與許巢朋名世期難副儀鴻志所矜

翩翩同學輩裘馬自輕肥揮翰由清選分曹直紫薇朱  
顏憐我對白眼看人非強取菱花照中情曷可違

轅駒傷局趣志乃在長途枉謂虞卿憤何妨子厚愚憂  
疑交代謝名實竟舍胡世事如碁舉輸贏不盡無

鄉行稱長辯揚雄戲解嘲慎予惟默默聽爾任啾啾名  
事鱗貪餌生涯燕處巢散材如適用甯遂等懸匏

十載風塵慣長懷寄浪游雪泥鴻爪逝月露鶴聲留志

阻舒秦說音忘習楚咻但憑吾舌在慷慨意千秋  
日撫丁年壯毋貪午夢甜文嫌窮未送詩藉病尤添狂  
傾譏中散升沈傲史詹馳光似腰裏客思夢吟兼  
湘洪來往疊顧戀或前因夢味含常苦薑材老更辛枕  
餘驚夢幻鏡下話情真回首傷前事花時幾度春

夏日書齋雨望

雨聲自西來風勢歛東往遠嶺望朦朧心神覺慌惘震  
雷不知處但聞霹靂響獨坐息清機乃悟漆園想倏忽  
天宇開雲日復昭明

壽安福縣尉

鮑養詩鈔

卷一

七

江敦風流擅文章政事全蚤標詞苑職來佐武城絃射  
鴨華堂畔觀魚曲檻前惠覃無束濕才巨等烹鮮銀手  
煩能斷冰心久愈堅公閒琴靜理俗美棒還捐可是鸞  
棲棘能教蟻慕羶民皆稱父母尉本號神仙素切瞻韓  
願欣逢御李緣笑談餘灑落杯酒荷招延東野詩才簡  
南飛曲管傳龍鍾逢六十鶴算紀三千亥字文堪數辛  
家印待鐫胸中梨棗熟邾下蕙蘭妍梅萼舒長至椿樹  
慶大年經綸堪報國膺力永無虧

清夜聞鐘

夜坐塵心靜風清枕席閒鐘聲何處至古寺認寒山雁



陣西風裏烏啼落月灣同茲幽響意斷續伴人閒

紫文書舍題句

蕭齋莫謂小如舟淡宕清光入畫樓檻外烟嵐青數點  
牕前繡壤綠千疇日正好攤書坐月上偏宜舉酒浮  
習靜固知能耐冷矧來談晤對羊求

示蕭倬雲

蘊文弟

丰神雋爽出塵氛猶復惟前問字殷巧乏金鍼師所愧  
功穿鐵硯汝宜勤燈牕論史添新得茗椀評詩證舊聞  
今日先鞭須猛着定教攜手上青雲

贈蕭天門

機上舍

馳卷詩鈔

卷一

三

與君早訂忘年契異地盍簪無彼此交情不減尹與班  
願如駉蚤相終始君家舊住青楊巷勵志芸牕誦文史  
嶽峯歷落不染塵球琳價重槐花市弓冶克承堂構恢  
典型宛見先君子許武有志成弟名培植席前皆杞梓  
金山玉海想風標人人傾心歎觀止我生於世百無用  
囊下枯桐道旁李各心空復九迴腸至道何曾三洗髓  
搗來蕭齋共講貫謬擁皋比深負恥晨昏課罷有餘閒  
暢聆清言洗塵耳興來灑落話生平身世窮通粗相似  
君如傷鳥驚虛弓我若狂蜂攢故紙須知萬事轉頭空  
祇有無何真我里得馬失馬俱偶然窮何必悲達何喜

爲君慷慨發高歌放眼乾坤來隱几九秋風露釀清光  
皓月當空淨無滓開簾望月月入懷照見兩心淡如水  
中秋翫月

長空湧出水晶盤照徹閭浮氣正寒萬里澄輝雲外淨  
一天秋色鏡中看金莖露湛銜杯滿玉筵風飄引漏殘  
便擬褰裳遊上界明河流手漾回瀾

如許良宵信可人忍教寂寞對冰輪踏來清影隨芒屨  
拈看流華瀉水銀愛有高朋同玩賞惜無佳句得精神  
去年此夕風檐下曾向碧天搔首頻

端硯圖歌爲胡穀村茂才賦

魏巷詩鈔

卷一

四

穀邨先人今端人涅不淄子磨不磷訪友爲乘太乙船  
更與虛中石生親石生舊向斧柯隱元雲深處隔塵坳  
靜守谷神長不老玉德金聲精華蘊其用法坤體肖乾  
如砥之平如規圓天生此才良不偶况逢大匠加雕鐫  
當年作合女媧氏策勛補天衣拖紫今日磨礪遇知心  
長共穀村爲終始卽墨邑中同淹留草元亭裏相研求  
縱不躬逢萬石封名山著述堪千秋吁嗟乎金石之交  
久彌戀得朋我爲穀邨羨我與石生面未謀畫圖展玩  
如相見

次天門自感韻卽以誌慰

蕭齋前後悟全開爲把新詩細讀來一卷離騷全是淚  
中年太傅半傷哀浮看蒼狗形原幻聽唱黃雞興未摧  
好取信天翁作號逍遙物外謝塵埃

何事愁城鎖未開味如蔗啖引甘來安知失馬非爲福  
縱怨離鸞枉自哀花事拚教風雨掃松標那畏雪霜摧  
洗心便是安心法身世超然不染埃

秋雨新霽

荒寒古徑薄烟生江岸遲遲恨遠行一陣西風吹雨散  
夕陽還在水邊明

蕭紫垣

樞

弟人泮喜賦

匏菴詩鈔

卷一

五

年華未冠善摘文灑落風流迴不羣赤水名駒能步景  
丹山雛鳳會翔雲江花吐向毫端豔頰藻抽來袖裏芬  
今日方知稽古力青燈十載憶劬勤

兩年硯席締神交問字情殷載酒肴執卷禮猶修北面  
成名望合重東膠才華舊詡青衿冠利市新聞白紵拋  
瞬息魚龍覬變化洿池豈合困靈蛟

賀羅寧圃司馬生孫

自從昭諫擅名芳門第清華世德昌雙鳳羽毛爭照耀  
一龍頭角復軒昂傳家舊重貽謀善繩武方期受祜長  
他日阿翁言莫戲原來弓冶本精良

偉器先看誕降初，葱蔥鬱鬱氣充闔。華桐枝發春風後，  
新箴前抽曉露餘。紫麝丹砂塗底事，玉芽珠顆寶何如。  
啼聲識是真英物，不但寧馨羨美譽。

東倬雲

丈夫不乘宗慤風，破萬里浪揚飛帆。便當坐攤李謚城，  
終日面壁誦瑤函。阮翁管窺惟一孔，敢云便腹筭箴。  
光陰浪擲三十載，蓬心悔不早夷芟。今歲得子共研磨，  
道腴有味殊酸醎。羨子皎潔如玉樹，清姿灑落遺庸凡。  
文章筆勢亦翩翩，蒼鷹脫鞵馬脫銜。若使磨礪成大器，  
定爲瑚璉非功瑊。三冬稔稔富經史，臆外任教風雪嚴。  
匏菴詩鈔 卷一 六

他年著書等身看，困學何必薄儒衫。

送春

送春如送友，臨岐勤執手。送春如送嫁，一別復何有。春  
草固已碧，春花亦難壽。屈指九十日，縱縱風雨久。滑滑  
林間鶯，青青陌上柳。及此薄言歸，不耐長相守。酌春以  
金樽，餞春以圓韭。春去請此辭，來年約回首。

遊白鷺洲

來此羈塵絕，不侵豔稱三字到。如今况經太守風流後，  
猶見當年惠愛深。一色水天難爾畫，千秋忠義與誰尋。  
沿堦芳草遲遲路，閒對西風一暢吟。

贈天門

澗敘重教幾溯澗論文此日又懷開元來證取三生契  
君是山礬我是梅

青囊九卷與誰諳講易欣聞輔嗣談我若從君問前路  
升沉須向此中探

春風夜月共談心自古牙期氣味深解識高山流水趣  
瑤琴一曲有遺音

畫餅多慙浪得名學書學劍兩無成磋磨賴有良朋在  
羨煞田家植紫荆

館居蒙友人過訪

匏菴詩鈔

卷一

七

絳帳今猶是多情舊友聯清談迎過雨壯思入飛泉苦  
爾才名累嗟予歲月遷坐來彈古調十指繞朱絃

古瓶圖歌

有序

穀村舊有永和磁瓶一座色澤俱古貯水經年  
不壞冬月摘梅枝養之次春可以生根真名器  
也予詢其由來稱爲先世所遺輒流連久之後  
爲其親家蕭天門假去穀村遂割愛相贈而念  
舊之懷仍不能釋爰召繪師圖之圖成索題於  
予予旣美其瓶之罕有而尤重穀村之不忘先

澤也作此答之

耳目近好奚堪娛舊物珍乃同璠璣此瓶之質精不粗  
流傳自昔今時無永和陶鈞存遺模詎與越窯祕色殊  
光凝淨綠清且腴萼綠華被文羅襦口張彷彿河盃舒  
中虛能受腹睡如程式廣長差相符量以盧禡尺不誣  
井花新汲滿貯甌經歲澄鮮猶未渝養得花枝久始枯  
名爲擷英非謬譽寒梅鬪雪纔坼樹就中清水時涵濡  
自冬徂春年華逾孕毓元氣生根株名器側與名士俱  
因緣幸遇康侯胡案頭位置相依於念是當日先人備  
百年手澤仍故吾拂拭豈忍離須臾鄭公守口非爲拘  
謝息守器寧近迂遺物偏爲知交輸深情眷戀難忘諸

魏卷詩鈔

卷一

九

爰將形狀付描摹屬我題識汗雲膜我聞胡瓶傳唐初  
千金之值良匪虛今日從公觀此圖令我觸目生長吁  
世業可寶異康瓠似考父鼎旗孫觚傳之圖畫有以夫  
知公原非好事徒

秋夜挑燈書寄室人湘秀

拂拂商飈動講帷高樓兀坐正支頤客懷却爲秋唵慘  
無奈黃昏細雨時

人生最是別離難永夜思家夢未闌月色縱然千里共

中秋三度不同看

汝來余家新舊已三載矣中秋佳節未得同坐玩月可嘆

精神可似舊時強只恐穉容上淡粧篋裏綿衣頻熨貼

深閨莫被薄寒傷

征鴻幾陣度遙天爲把家園好信傳若問遊人無恙否  
饑來喫飯困來眠

誦芬書屋素心蘭開花一枝

碧護籠紗綠護苔烟雲深處養靈蓂新秋景似初春候  
報道臨風數朶開

玉骨瓊肌自異常前身彷彿杜蘭香生憎脂粉都成俗  
不作濃粧作淡粧

碧心一點獨離披狂蝶遊蜂未許知畢竟有懷何處寄  
風流騷客最相思

鮑菴詩鈔

卷一

九

劇愛芬芳竟體盈看花人亦共花清同心偏在無言處  
爾我長含不解情

次文泮池見贈元韻

文山而後復能文藻采飄揚思不羣曲操南音真寡和  
才如左史素多聞鴻泥到處難留跡麟閣他年定策勳  
祇恨相逢還惜別歸鞭迢遞指衡雲

懷泮池再疊前韻寄贈

屈宋詞推大雅文偶緣傾蓋喜聯羣鷗盟秋水烟波渺  
鸞嘯空山月夜聞君似楊朱常失路我猶李廣未成勳  
天涯淪落同增感悵望層霄起片雲

解館後贈別倬雲

名場容易老英雄搔首教人歎  
遇窮我慣曝腮君鍛羽  
啾啾同是可憐蟲

杜老百年渾得醉孔公一日不曾醒  
胸中壘塊全澆盡  
閒與沈酣子史經

穎士才華嘆罕儔苦將文字共研求  
何時羊角扶搖上  
江總于今尙黑頭

無端分手唱離歌歸踏荒村落葉多  
回首半閒軒外樹  
晴烟繚繞片雲過

別紫垣

魏菴詩鈔

卷一

三

文章交道兩難遭把臂何期得俊髦  
爲憶多情長設體  
相將課藝久焚膏春風桐院琴書永  
細雨蕉牕劍氣豪  
好鳥枝頭應識我五年猶是舊青袍

金針漫說繡鴛鴦辛苦年年鬢換霜  
爭笑明經稱白蠟  
深慙世業負青箱半生心事眠蠶倦  
千里塵途病馬傷  
不是良朋堪慰藉秋風那禁淚沾裳

蕭郎聞說老能文子更青春富典墳  
落筆喜無蔬筍氣  
吟詩香似桂蘭芬應知靜者心多妙  
自爾飄然思不羣  
暫蹶霜蹄猶未久着鞭佇見步層雲

契合情同谷與坡相思無奈別離何  
尊中蟻酒頻頻飲



門外驪駒綏綏歌落木空山歸路遠梅花明日夢魂多  
臨期莫灑風前淚有約他時命駕過

題蕭翔雲司馬採芝圖

蓮采秋江菊采籬爭如巖壑采虛夷

芝一名虛夷

道人自有

烟霞癖可是昔年蕭靜之

秀同瑤草色斑爛蓋擁晨霏暮靄間一隻都籃雙不借  
爭幽人到翠微灣

科頭脫帽髮髟髟古徑春風曳碧衫揖別山靈歸去好  
前峯隱隱日西銜

有子追隨攬秀來一肩挑得白雲回因君爲訊商山老

匏菴詩鈔

卷一

三

曾否當年笑口開

鳳林橋晚眺

望極蒼烟外風帆挾遠舟明霞沉浦際落日挂城頭橋  
矗渾疑練天寒乍似秋客情頻婉轉高詠送清流

山居

芳村閒已久聊此謝塵喧綠水圍屋住晴雲向日翻溪  
田互高下耕鑿自晨昏古有東陵客閒居但灌園

書憤

飛絮飛花落遠阡新愁新恨積年年崢嶸歲月閒中過  
淡蕩風光夢裏捐誰識楊朱常泣路浪言李白自稱仙

茆齋鎮日門長掩也把毛錐學草玄

送友

別路蟬聲斷長亭雁影隨晚風吹月上黃葉使人悲古  
樹雲千點前溪水一涯懸知孤宿處今夜繫相思

贈蕭靜文

平生嘆知希君乃長接膝邂逅雖云晚衷情頗言密君  
家業文舍白淨生虛室我爲尋樂來

紫文書舍西偏顏日尋樂處余館于此

花鳥亦牽率興酣時傾吐契合如投漆浮觴蕉可三

鬪茗椀能七誰主復誰賓心忘形自一品望重橫舍穎

士今再出雲鶴常超舉騏驥原奔軼我本落魄人窮年

匏菴詩鈔

卷一

三

事佔畢兀坐管城中冒懷空鬱律浩歌對高秋清譚娛  
永日與君同揮塵心共白雲逸

紅葉

一年花事此勾留葉葉霏紅冷畫樓春色偏從霜徑染  
秋風不傍御溝流漫教堤柳舒青眼容易汀蘆到白頭  
抱得丹心長向日園林蕭瑟爲何憂

觀捕魚

野塘水落蒲藻腓寒鱗銜塊潛相依漁師欲徙鱸鮪藏  
先後罾畢來千張笞笮疎密箝沙夾搨鼓聲哮人若狂  
大魚竄跳小魚軼鬣鬣雖強已難立况是腥起出杈枒

盡族以行百無失蠢物於人亦等倫蕃育同荷彼蒼仁  
貪殘嗜殺乃如此暴殄毋乃遭神瞋吁嗟乎鯢鯨藏身  
須擇地變化乘時豈易易古往今來代變遷密網每爲  
清流忌

題友人采芝圖

我聞芝有三土肉石各殊又聞天台五芝含秀敷是  
草原無根孕毓在仙區祥雲爲覆芘瑞露爲沾濡求之  
不易致結契烟霞徒爲羨歐陽子學道異凡夫入山採  
靈苗五只童與俱采向筠籃貯紫色尙含腴欲歸興未  
盡松下小踟躕蝙蝠飛翩翩相對亦堪娛借問商山皓  
髮翁詩鈔

卷一

三

逢君識面無還期乘斑鹿高舉騰天衢

匏菴詩鈔卷二

安成升甫阮燦輝

雜詠

天柱傾西北女媧未能補天亦不之恨謂此非人主溟  
濛太初前萬物誰其鼓細縕雖云醇豈竟無瘥瘡蒼蒼  
信如斯何疑於羣伍人者天所生生者氣所煦當其生  
我時奚者爲撐拄

聖言旣已絕莊列紛鼉鳴揚雄誠矯矯亦草太玄經析  
理入微香構思沉虛冥黨同而伐異解悟果誰醒大道  
懸天壤炳燦日月星詩書宣其秘禮樂發其英浸滂百

匏菴詩鈔

卷二

一

氏學孔孟吾儀型

陰陽自成運調劑驗虛盈否泰因時遘剝復象物萌一  
乘一除際天地爲不平如何聖與賢欲以人力爭剛柔  
歸迭用中正積真誠動戒亢龍悔堅守牝馬貞學焉能  
寡過與蘊原難明

昔者寧子戚長夜起飯牛顧此山石爛衷腸一何憂猝  
與賢主遇前車載以遊勳名齊管隰先後苦不侔時命  
會相值憂極樂爲酬窘路固言困亨衢亦所求沉幾觀  
世態睠言勵吾修

峻阪嘆崎絕舍車而就舟舟行江水濶浪險潛蛟蚪譬

彼林中鳥欲爲寥廓游弋者巧窺伺矰矢相與謀出處  
皆危境慮防難爲周賢哉知幾士翔集任悠悠不以安  
而逸不以危而憂

抗懷論古哲每嫌往行非俛首問今人偏嘆知音希知  
音未遽絕患與世賢違往事鮮辨晰中情滋猶疑置身  
今古間臧否安可知先民所作述嚴正不予欺壯歲側  
儒列欺人曷肯爲

長離本鳳雛遠自千仞下矯翼浮雲開振聲長風借羽  
毛輝五色觀者爭驚訝問彼將何之言趣神京駕歸昌  
賀聖仁百鳥疇其亞肅肅我奚若終焉隱茅舍

魏菴詩鈔

卷二

一一

朝堇傷夕菱寒松競冬榮榮萎自其性非關覆培情每  
嘆造化力賦畀胡不平各以豐膏異相去乃逕庭物象  
昭若此何疑於人生儔類皆濁濁聖哲固獨清

蓬梗長夏日自謂榮有時歛忽西風起頭白苦難緝人  
生百年內憂患久與期豈無良辰會迅晷常流移踟躕  
中道側問訊欲何爲曠懷心猶悴况以愁相隨

人生不滿百寸心爭終古陶侃惜分陰勵志師神禹劉  
琨起中夜猛鞭欲先祖羣鳥西南來啞啞刷其羽風高  
飛有力翮翮極四字西望凌太華北顧翔恒渚時莨亮  
可會努力懷遠舉

賢哉顏氏子，簞瓢有餘樂。樂豈在簞瓢，道義當沃若。納  
納兩大間，容以一身著。古人許我師，今人不爾薄。謂此  
昂然體，炳如日星灼。富有徵大業，懿德同好爵。不貧非  
所憂，貧豈相牽縛。陶鑄歸造化，天地爲鼓鑪。

荆璞懷十載，一獻遽遭別。何人抱燕石，漫思朝宰謁。石  
售且有期，璞豈遽迷沒。下士睠修藏，窮年苦心矻。濟世  
有良策，高舉掇簪笏。要其淹留久，神志亦已竭。顯晦難  
由已，動則相違悖。落落迨盛年，勉勉防顛蹶。

周公下白屋，百世頌其聖。才豈盡如公，濟濟得人慶。俊  
豪生有自，況復遭隆盛。闕館爲招延，三歲一申令。

魏菴詩鈔

卷二

三

詔謂司衡者，持躬宜廉正。拔取果罔乖，姪妍難逃鏡。請  
勿貽人語，文章常憎命。

樅檜長十圍，烈風不能拔。所虞縱斧等，精氣日削奪。慧  
智本嬰孩，生氣常靈潑。慮患苟弗深，沛躋何由達。獨念  
百年老，痰疾難解脫。輾轉歲月徂，漸亦成枯槁。澹泊可  
明志，斯言當棒喝。永保以無疆，優曇花意活。

空谷聞足音，竊喜故人來。故人久不見，一見無疑猜。猜風  
好同蘭蕙，非假鳩雉媒。衷契今猶是，樽罍重爲開。寄念  
輕肥輩，半躡黃金臺。沉淪傷爾我，長此守蒿萊。慷慨以  
當歌，歌盡能無哀。千古想悠悠，抗論謂何哉。

昔有青雲客，貽我青雲履。青雲扶我立，登高一遠企。我  
蒙長者恩，感激極難已。古來豪傑人，豈真無憑恃。世無  
黃石公子房，亦鄙鄙平生所。樹立功成良，有以

老將

百戰收身備險艱，幾人人生入玉門。關衰年未免讒遭，矢  
強敵曾聞懋識顏。寶劍占星來夜舞，短衣射虎自邊還。  
只應報國心猶壯，橫據雕鞍不肯閒。

老儒

窮年屹屹與難窮，古籍雖亡有折衷。夫子村居入圖畫，

畫譜有夫子村移居圖

先生頭腦大，冬烘過從任問雲。亭字拂拭

麴菴詩鈔

卷二

四

誰憐焦尾桐，三食神仙未仙去。開編長笑蠹書蟲

老友

望去衡茅對筆門，素心晨夕在南村。盤餐狼藉忘賓主，  
松荔商量繫子孫。未必乘車皆捷足，忽逢衣葛亦銷魂。  
桂芳豈是渝寒暑，孟郊句世俗悠悠孰可論。

老妾

小星照處步香階，婢學夫人命已乖。幾日韶華花近侍，  
半生心事燕投懷。玉簫月下初翻曲，桃葉春前舊渡淮。  
從此無聞悲怨語，紫烟丹鼎與君偕。

老嫗

耄及房中懶畫眉  
曉梳粧鏡一絲絲  
爲逢逸少留題扇  
曾對香山說解詩  
繡閣因依伴嬌女  
芳年曾否得馨兒  
流光彈指樵青老  
况復山前舊釣師

老妓

碧玉芳姿錦瑟年  
娉婷不嫁問誰憐  
幾經風雨名花劫  
漫數烟波野鴨緣  
北里人推王小閨  
天涯我亦杜樊川  
傷春恨別等閒事  
此日相逢一惘然

素心蘭

西風來幾日涼氣滿園林  
花苗一枝秀香飄三徑深  
良宵燕姑夢往日  
楚臣心望品須珍  
重留雲護綠陰

菴菴詩鈔

卷二

五

尋芳何處覓隨意到空庭  
映月看迷色因風欲透櫺  
一編翻素問半卷誦黃籙  
靜對情懷淡無須歎獨醒

遊百花洲

無端乘興到芳洲  
極目湖天浪裏遊  
看盡垂楊千萬綠  
絲絲輕颺晚風秋

僂瀛別館有誰同行到  
平橋斷岸中掩映明牕都入水

輕舟聊繫翠雲叢

冠菴亭上漫徘徊  
亭在石山上  
留得山光水面開  
遠樹重重

涼意透荷風又送晚香來

蘇公亭攬舊風流一渡虹橋  
過蘇亭必由虹橋  
景更幽草色青



青無限意芳名千古此人收

秋意

秋雨復秋風寒臯楓敗葉搖落是其時非關物相伐萬  
彙感秋來收穫力已竭肅氣及冬嚴胚胎乃載接芳心  
一轉瞬春煦動萌莢是皆氣所藏陰陽貴調燮人生而  
嬰孩壯老驚太捷鍊養歸真宰精華未遽歇霜鬢催容  
早母爲歎疲茶斯理本自然言之得意慳

入都用迂蕪兄贈別元韻作詩二首示室人湘秀  
獨攜琴劍去萬里任驅馳道路行無恐風雲會有期從  
教西笑樂不事北山移轉盼泥金報佳音到未遲

菴菴詩鈔

卷二

六

臨歧無別語家事賴支持安命還期汝關懷更有誰寒  
風須自惜明月共相知但得身長健奚庸嘆遠離

舟將解纜留句別迂蕪兄同少台海樓雨弟

臨歧心事倍酸辛悵望煙波起遠津今日將爲千里別  
昨宵猶共一燈親鴈行盼斷雲中影馬首飄揚陌上塵  
崇德相期同勉力定應不負苦吟身

春寒用尤西堂太史韻

斜風細雨作春意飛飛燕子捲簾入花枝欲動怯寒凝  
杜鵑聲冷枝頭泣門巷長草難出青沙汀浸水又添白  
壑沉巖空凍雲愁荒煙幾處慘無色却羨驛路垂楊滿

立馬踟躇問誰折登臺一望氣如何爲語清明寒不得  
過采石磯懷李白

一醉倉忙落水濱緋袍去後竟成陳如何千載騎鯨客  
來作磯頭捉月人龍窟誰知謫仙恨鳳臺難認昔年身  
至今牛渚供憑弔只對青山顧問頻

金陵懷古

大江東注水如飛客到秣陵春乍歸事問南朝人寂寞  
目回北固日熹微二天碧色浮牛渚萬里洪濤撼燕磯  
遺迹誰能爲我訪相逢楚老稍情依

石頭城下險難當終古樓船此處揚木杻漂流等兒戲  
匏菴詩鈔 卷二 七

布囊沙委讓人狂英雄幾輩歸權策形勢千年控郢襄  
豈料炬鑪鏐鎖後長江尺寸絕隄防

少康一旅遽成師晉鼎東移亦強支有淚何妨泣周顛  
無憂誰解信桓彝溫陶驍銳麾旄著王謝從容畫策奇  
嘆息苻堅單騎遁思量景畧悔嫌遲

馘起妖星燭夜紅詔書赤紙付田翁長城壞矣愁多難  
三窟勞云術未工剪葉禍延疇顧後指山誓在豈由中  
咨嗟神器傳兒李不待丹陽運已終

司空旋又拜司徒奉璽齊王褚自誣縱使黃金能變土  
可憐赤族不留株幾時猿叫華林慘一旦鸞承大統輪

痛飲將毋人事廢吳興太守抱情孤

陳兵十萬孰能軍東府降幡次第分死節旌無顏見遠  
禪書草就沈休文捨身癡作優婆伍誤國謀成子弟信  
自得自亡斯已矣牀前荷荷獨何云

三閣崇隆亦壯哉臨平湖草一時閒珠簾帳裏新聲豔  
玉樹庭前狎客陪自謂江南王氣在誰知河右虜軍來  
金滕募士無人應宮井同投萬古哀

龍蟠虎踞莽蒼收三百年過氣已休自昔涼生清暑殿  
于今酸問景陽樓霸圖漫許延唐祀齋事猶稱祀蔣侯  
前後李陳如一轍憑誰來弔大江頭

匏菴詩鈔

卷二

八

一朝創守莫同論勝則龍興敗兔奔  
蟬合宮中聞藥杵  
嶙圍江上笑梨園六州地盡傷殘局  
四鎮兵馳絕重藩  
若使襄樞歸史老孱王何至太迷悞

長于風景愛新晴塔寺登臨分外清  
對我河山仍此態  
感人今古倍多情欲投白紵無桃葉  
爲綰青絲向柳英  
幾日勾留辭白下勞勞又去聽濤聲

過蘆溝橋

輪蹄雜沓任回旋塵夢依然到古燕  
問歲我將年四十  
思鄉人隔路三千紅雲擁向

層城合紫氣蒸成上界連今日蘆溝橋上過  
祖生鞭着

讓誰先

帝京篇

大清

天子坐明堂萬里正朔同遐荒巍巍

帝京稱奇隄襟山帶海威靈揚居庸關狹攄雄勝永定  
河廣盪流光城郭固氣環而聚郊圻飛彩遙相望

帝京之居居誠廣

蒼龍闕麗鳳樓敞

神閣壚靜烟出頭

仙籞盤高露垂掌春寒醺永玉簫清宵長漏警金壺響

匏菴詩鈔

卷二

九

千廬萬戶列建章星漢昭回夜朗朗徹天街徹道斜  
左右雙排接官衙雕朱鏤翠公主第森戟崇纛王侯家  
御史府中牆圖豸將軍門外樹啼鴉夷館誠輸賓自服  
武衛容肅士無譁春光駘蕩二月裏

宸觀農扈等暇徒萬乘騎從

輦如飛七香車擁輪何駛雲罕色搖柳垂青星旆光射  
嵐橫紫中使驚蹕不聞聲但聞歌矢

天顏喜

天顏喜氣蒐獮崇弧躅威嚴出

九重日明組練張後勁風捲旗常耀前鋒封狼觸地落

急箭縞鹿奔山嬰短鏡三面羅開

湯仁綱禽鳥亦識

皇恩濃

恩濃普慶日長至

齋寢親臨郊禮備五營夾道樹幟旗百官負羽導

鑾轡鳴鼉伐鯨人騰歡陳牲奠醑神錫瑞金鼎烟篆呈  
祥和柏梁詩賦答靈異嵩呼聲動

御壇肅輅回曲引黃門吹四海一家頌

聖人南極北辰拱寶位萬姓拜稽

元首明一片雍容雅頌聲綺花笑含風日媚繡草恩承

瓊菴詩鈔

卷二

十

雨露生瑯鞍絡繹長安馬銀簧嬌弄

上林鶯林鶯社燕不知數繞遍陌塵閒留駐銅渾玉燭  
幾春秋脆管清絃自朝暮橫汾燕鎬來遊歌吾

皇垂裳樂詔護詔護樂奏叶天鈞近侍貴臣嬉

堯春迎風觀裏翔鳩鸚凌烟閣上圖麒麟衛霍策勳戰

士入廉藺結交友情親烹龍魚鳳誇珍饌繡錦鋪茸炫

華茵鬪雞奪勝俗所有浴象嬌唱人恐後宴昏爭掛九

微燈祖餞分攜百壺酒東家兒走西家賓北巷女趨南

巷婦蕙華蘭靡綰同心折柳贈芍盟握手握手行遍沿

河長

御溝漸流宮花香芳衢簫管下鸞鳳中禁笙鏞叶徵商  
六合車書混爲一掃盡機槍與天狼遭逢何幸世  
熙皞鳴豫吾亦慶治康

題周麟峯同年采蓮圖

曲江紅杏昔曾探暫駐林園樂意耽坐向竹梧濃陰裏  
炎天風景亦清酣

貪看翠蓋擁紅粧不把風姿美六郎爲語主人輕打漿  
恐驚卅六睡鴛鴦

羽扇蕉衫骨欲仙詩人風度自蕭然新吟好付吳孃唱  
一曲應歌相府蓮

菊卷詩鈔

卷二

十一

名花名士兩相宜君子清標邁等夷看畫不須更題品  
濂溪心事我能知

過憫忠寺訪吳西穀

清鵬

編修同賞菊花順謁謝

壘山先生祠堂

故人遠在憫忠寺菊花叢中得殊致我欲從之苦暇無  
日日相思不相侍今朝天氣頗清嘉佚詩翻讀唐棣華  
室遠人邇感振觸呼奴出市雇驢車驢車雇不需高價  
每日五錢無欺詐輪鐵轟轟剛及門故人脫屣來趨迓  
一見欣然慰遐思秋高亦似日遲遲盧仝喫茶須七椀  
自午及酉移三時隔院香聞鼻如火爲言旁有菊萬朵

重疊花爭紫霞暄清豔色被黃雲鎖年年秋風年年隴  
菊雖可賞令人哀昔賢已去魂猶積此菊胥抱忠魂來  
人生日月駒過隙誰使芳名策竹帛昭昭青史宋家臣  
疊山何獨寒古柏祠前柏古森碧蒼踏遍石逕殊荒涼  
先生但憑赤心在萬載難磨晚節香

九秋詩次駱義烏韻

秋風

天遠秋聲壯商飈日夜浮蕭蕭寒葉落滾滾大江流高  
送征鴻翼涼依古戍樓長安多少婦砧搗正含愁

秋雲

荊菴詩鈔

卷二

三

靄靄秋空色微雲淡復輕天邊羅疊捲日下彩重明流  
影寒長塞分形耀赤城奇峯雖已改出岫亦同情

秋露

銅盤寒露下錯落夜珠歸映月光還薄臨風洒欲微江  
楓凋落葉籬菊潤含輝祇歎行途客終朝戒濕衣

秋月

萬里秋時月凌空一鏡圓光浮知霧薄彩徹透宵寒天  
際星藏曜江頭水湧瀾搗衣聲不盡何獨照長安

秋水

奪錦秋江裏長天一色清氣凝遙浦靜目送遠帆明鑑

朗鷗盟影波寒雁寄情如何遊子意聽響夜常驚

秋蟬

競傳齊女化噪晚恨難安響爲商風急聲隨落葉寒脫  
凡曾棄蛻取似漫彈冠留聽斜陽下悲秋不獨潘

秋螢

腐草前時化乘秋更抱涼自他明曠野無意到閨房散  
去星流影囊來壁借光有風吹不滅夜永照簾霜

秋菊

芳園存菊晚秋氣亦潛通寒到拊芳豔香微逐遠風霜  
前容未改月下影還同識得幽人意輕黃位正中

魏菴詩鈔

卷二

三

秋雁

雁陣隨秋至羣羣落野干書從千里寄聲落一天寒蘆  
岸身藏密榆關影度難年年江路熟此處聽波瀾

水仙花

百花何事怨春寒未到花時花亦難矯矯神仙眞耐冷  
水中開與百花看

雪香冰骨共娉婷幾陣香風入夢醒深夜有何人鼓瑟  
瑤華居處倚來聽

塵生羅襪愛凌波冷豔幽容淡若何却怕相逢新月下

低頭錯認是雲娥



仲寅二弟來都應禮闈試就予同寓以詩言情次韻答之

田間往日勵求名聚首燕臺又弟兄人對床前商絮絮  
月升屋上望盈盈此身縱博詞官貴畢世難酬老父情  
英俊何期遭

盛代看君得路上瑤京

和曾鴻壽孝廉見贈元韻

讀書臺畔繞晴烟握手逍遙記昔年別久多蒙勤問訊  
青琅玕拂綵雲箋

階前憐見菱瓊芝形槁心灰類子綦未免有情誰遣此

匏菴詩鈔

卷二

古

吁嗟伯道尚無兒

隱几維摩方丈間羨君習靜對禪關

時曾某肄業寺中

清閒不

獨添詩思應悟前因見八還

也知人事日紛更達者何心悴與榮爭奈芸臺需視草

梁山未許抱雲耕

來詩云將毋深山自學耕故及此

書顏魯公祭季明帖後

唐家慨歎天寶年祿山寵受洗兒錢君恩未報亦已矣

以逆犯順夫何然鼙鼓乍動漁陽地驚散霓裳等兒戲

河北二十四郡州勤王歎無一人至天子蒙塵警御鑾

潼關淒涼馬嵬寒忠臣不識作何狀魯公兄弟瀝胸肝

平原常山兩分守倡謀計取羯奴首軍威忽振土門開  
河北傳說同時走諸郡響應賊膽危寇勢窮蹙廢晨炊  
迸力急向常山道攻戰頻催白羽麾可恨承業大原尹  
擁兵坐使卧矛楯常山議守備未齊孤城嬰圍食已盡  
巢傾卵覆不一援交陷子死奚爾忍吁嗟李明邁毒傷  
身首異處無主張有父竟被河陽執厥兄差兔刀鋸嘗  
泉明購尸得尸歸天昏日黑月沉暉酸酒誰向靈前致  
魯公哭慟尤獻歎我後魯公生千載我讀公文識忠彩  
闔門履變等康莊餘烈蓋世同嶽海公文字字滴血斑  
公心誓欲殺強姦慘目愴懷哀無極不見公兮人涕潛

魏菴詩鈔

卷二

五

讀陳後山詩鈔書後

瓣香只爲敬南豐少小聲名孰與同半世苦心追杜老  
一生知己感涪翁纔除博士旋移職不是騷人故獨窮  
索句長從憂患裏可憐骨瘦畏寒風

夜半聞雁有感

耿耿星河入幔懸淒涼人意淡如煙可堪寂靜三更夜  
嘹唳孤鴻到枕邊

一聲聲上碧雲重幾似猿啼峽路中豈爲分羣傷影隻  
蘆叢中夜怨西風

幾載粧臺鏡影分青天碧海恨離羣爾審同是傷心者

惆悵愁吟一爲君

烏夜啼

月上高樓烏欲棲烏棲抱子夜相啼誰家少婦憶行人  
對此無言黯自悽淚痕已被春風掃玉關望斷黃雲道

途中間吟

青青芳草傍階萋無恨愁思懶畫題強欲睡時未忍睡  
春山深處鷓鴣啼

遊金山

昔年夢裏遊金山置身儼在霄漢間今朝腳踏金山背  
仰視雲天香難攀山高山低豈無定夢遊腳踏不相稱

匏菴詩鈔

卷二

六

此山撼拒滄海波突特早絕行人徑大江日夜捲東南  
東南此去少遙嵐連檣走馬爭趨顧蜀岡鍾阜忘嘔噁  
登臨我亦嘆疲蹇何暇窮奇搜奧遠世間耶壑豈云多  
到此嬉敖悔已晚昔有坡老稱仙豪乘興真欲跨六鰲  
睥睨山門自搔首胸羅星宿詩生濤我行無力飛無羽  
嘆賞讓人成千古歸來舟浮一葉輕慄慄風狂鳴似虎  
姑蘇道中寒食對雨

三月江南雨陰沈惜豔辰况當寒食候又踏碧苔新青  
柳自搖翠香梨半洩春嗟嗟門巷燕來去逐何人

過慧泉寺贈上人

愛是名山長道心高僧閒對白雲吟優曇花落空中散  
齋磬聲傳夜半音卓錫故應尋福地豎拳爭喜照香林  
繪幡懸作旃檀幟遙看慈雲正普霖

桐江懷古

言此是桐江江水自朝暮一絲老釣竿乃爲九鼎鑄

黃山

谷云能令漢家重九鼎桐江波上一絲風我今懷昔人昔人不可遇前溪照

斜日古徑森芳樹尙有漢時雲悠悠紛來去

過婁妃墓

人事低徊猶弔古荒丘寂寞不堪春巖花香逕淒涼處  
夜夜東風起白塵

匏菴詩鈔

卷二

七

秋思

西風撼高樹唧唧蟲先鳴蟲鳴抑何苦百草爲不榮孤  
雁聞天末嘹唳感人驚家書幾日至早晚看雲行前日  
疑書斷今又怕書呈人生幻夢耳千慮胡纏縈褰帷牀  
滿月夜永含深情離恨將誰訴素琴聊自捫不思除非  
秋是秋思難平

詠素心蘭應友人囑

蘭姿如美人蘭德嫵君子種德若種蘭佳氣乃鍾此  
暄暄玉爲神皎皎瓊作葉馥真踰麝臍醫不藉額髓將毋  
藐姑射神人露仙軌意者英與皇綺衣謝綺靡芳情獨

豚豚片豔鮮克擬從來生空谷亦或茂澧水相思久不見令人憶彼美瞥視謝庭中數枝定奇蘄和風所吹噓祥雲所覆被瑞藹滿堂室德門集蕃祉丹棘堪忘憂紫芝亦兆喜奚如此名葩色香俱罕比惜無作賦才欲呼靈均起

謝友人惠筍用山谷食筍韻

冬鑪熟芋魁春盤薦韭菜村兒壘擔歸爭赴店頭賣獨此蒼竹筍無由致厨宰金甲抽乍新玉版裹少壞誰念山中餐爲償席前債筠籠佐甘蕨草束添辛芥遺餉並此三荷惠懲矯介薑豉調味宜下筯飽嘗噉世俗貴炮

鮑菴詩鈔

卷二

六

羔食時長歎噫何如臧臧者爾我恣鋤采

冬夜次謝臻韻

不堪久爲客况值夜方長燈暗寒孤影簾高落曉霜捫心懷蹇蹇掠髻歎蒼蒼借問征鴻路何時到遠湘

瀟湘八景用薛文清公韻

山市晴嵐

曉際流紅霞峒堯楚山出鬱鬱嘉樹林蒼靄山爲綠野市連朝晴屨屐相追逐

洞庭秋月

烟波橫洞庭蒼茫雲水接月色磨秋光不知色愈白夜

來縹緲中豈無湘靈瑟

平沙落雁

江洲蘆全白水落沙痕平幾聲南征雁結伴夕陽汀冷  
抱蒹葭宿羣羣背月明

烟寺曉鐘

山寺藏古壑壑陰結寒霧萬籟沉空曉僧起無人路但  
聞破樓鐘清冷出雲樹

瀟湘夜雨

瀟湘無近遠易使旅愁生昨夜雨淒切百蟲爲不鳴况  
是遠離客鄉思久牽情

宛菴詩鈔

卷二

五

江村暮雪

朔風捲層陰雪重失烟霧泊舟江村晚岸平嫌滑路隔  
渚一舟橫杳無人來去

漁村落照

漁家起暝烟烟飛縈枯柳唱晚幾聲低攜罾出江口坐  
久月初升釣艇照何有

遠浦帆歸

湘北又湘南同此殘陽照極浦遠帆歸風笛吟晚調唱  
永竹成斑江樓幾人眺

同友人遊嶽麓書院

嶽色千年翠隔河陟未曾講院居其麓清悶起雲層創  
基道林後發端宋代興朱張兩傑者同時聚講朋至今  
臯比座非德苦難勝我來不因學學亦愧時稱堂前頻  
瞻仰旁及道林僧顧言精舍邇移步層樓凭庭竹搖綠  
映砌草含碧凝小憇消中熱大言悟上乘心猿得所繫  
盥手剔蓮燈獨念縱遊意曠蕩安所憑岫巉碑各古嶮  
斗宇體仍淋漓輝石壁摹搨我猶能鼓山抑何響掉脚  
聞鑿鑿玉樹參天立珠泉穿澗激日落肅商籟秋高翔  
紫鷹竊歎所歷少疲倦不吾憎况有同來友腰膂尤駢  
矜其如江城隔難尋繫日繩呼艇歸隰際洲前月一稜

藟菴詩鈔

卷二

三

潭州懷古

客帆此日落星沙憑弔當年托興賒哭痛賈生傷作傅  
哀離杜老怨無家定王臺畔秋連雨李芾墳頭夕噪鴉  
幾輩名高人代遠至今青史動吁嗟

癸未入都承仲巖內兄伴行舟抵袁浦以家事未  
治忽作歸計臨行以詩言別次韻酬之

萍聚無多日相違定隔年我行瞻

北闕君意向南天孤影橫看劍長江穩泊船客中忙作  
別灑淚欲成川

知已無能捨其如內顧何葢鹽難料理歲月易銷磨從

此迴仙棹終當棄釣蓑蓬瀛期握手莫歎別離多

舟次瑞洪

棹向東湖欲晚天遙嵐青翠眼中妍水痕漲起鷗浮浪  
沙嘴橫斜雁落煙放艇漁歸忙麗網望帘人去徑呼船  
寒風撼撼發陽襄容旅朋多話緒牽

過貴溪雨後看山

寒風幾陣捲雲回雲擁山腰亂作堆成嶺成峯任飽看  
苦無人寫畫圖來

仙人橋

仙驂不合返塵寰橋號仙人事可刪豈是鸞身飛欲往

薊菴詩鈔

卷二

三

故從虹影落來閒峯含蒼翠雲千片石透玲瓏月一灣  
聞說滌溪幽絕迴好山半在品題間

客中對月

一年長見月奈此異鄉心天漢輝南指

宸居仰北臨樓高人獨倚野澗樹無陰永夜愁難寐行  
行繞砌陰

無題禁體

龍腦燒銀榻蝦鬚織畫簾屨廊通窈窕霧閣隱窳穢橫  
鏡蛾描黛粧梅額點檐嬌憐影劇羞溼溜聲織豔葩  
魚藏藻寃虞驥駕鹽趨嚴說蛩壓倚檻對鴛鴦綠綺眠



調瀑紅絨嚼繡縑結辭瓊佩解攘腕蘭薰霑愔網憎宵  
燭篷牕感曉籤夢紫鷄唱斷懷割藕絲黏蕉萃釵離鳳  
蕨蕤鎖嚙蟾憑誰傳語猶憶執摻雲氣常迷楚僊  
踪欲問嚴時真憐隙過期漫誓淵潛響得霜鯨應倚窳  
野烏嫌裙留拊掌縹緲貯療腸饜詎識銷魂賦還題彩  
筆澆庭華欺翠袖嶺雪逼蒼髯約帶腰圍減開圖體貌  
廉澆愁幾斛酒經宿醉歇歇

讀宋史

驥步羣驚似虎龍寄奴王者自英雄誰知謂可非真可  
教縱覆舟山下風

龜菴詩鈔

卷二

三

華林園內雜商儲猶記當年萬乘居笑煞潘妃沽酒日  
至尊屠販更何如

篤疾傳呼不自支至尊親懼鬼來遲持刀破腹真何濟  
乃生如此寧馨兒

天道無言理可推紛紛書獻亦何爲披緇削髮留餘恨  
何似臨終處士詞

折節空高好讀書語言多忌解難除千秋人誦白門句  
變色當年意未舒

寵妃枉自誑羣臣涕泗交流詎有真我自笑人人不信  
一時急淚帶情新

晉宋風流世所聞者番知愛見情殷云何晝寢匆匆甚  
書破當年白絹裙

寓懷放浪實堪思山水何因是禍基屐齒風流人不見  
悽悽霜葉感成詩

狷介才名並許賢六朝高致此翩翩平生不喜要人見  
羸駕牛車也適然

錚錚濁世總堪憐整得風規愧褚淵大息寧爲袁粲死  
國中人人共飲狂泉

桂渚松山高逸志清潭碧澗瀉間情至今鍾阜西巖上  
落落猶傳遯隱名

觀菴詩鈔

卷二

三

棲真歸素別涵天各占潯陽三隱連巖澤琴書心共遠  
老來耽易臥廬巔

野望

極目微茫處濛濛山外青天空雲作嶂岸遠樹爲屏野  
水穿田合村煙傍戶扃遙林歸倦鳥暮色正蒼冥

展墓

感時及清明肅拜雙親墓慘愴心含哀僅此泉下路回  
首少壯時音容憶猶昨出入常與俱瞻慕得所附蹉跎  
曾幾日年光等虛度居官未養親親亡養何具酌酒墓  
下田掛紙墓旁樹邈杳宿莽閒追想難神遇墜淚痛平

生滿野愁雲駐

應王魯泉

泗

同年以所藏先世眞容囑題

天生有道異尋常方伯澤行淵源長盛德若谷神退藏  
知白守黑含珍黃曰惟孝友篤其慶里閭交口稱彥方  
眞我懶作時世裝芟荷爲衣芙蓉裳詩書舊業傳青箱  
宏才峻望噪膠庠年踰大董壽而康昌身昌後長發祥  
郝前五桂舒奇芳鬱鬱葱葱三槐堂龍孫繼起俱軒昂  
雲程九萬憑翺翔嗟余生晚遙相望徹行耳熟猶能詳  
遺容瞻仰君子光奕奕奎壁騰精芒雙眸炯炯鬚眉蒼  
清神肅穆儀端莊典型於今猶未亡惜無佳句能掄揚

觀菴詩鈔

卷二

十四

病中自慰

我生非善病有病亦旋痊奈被參芪悞因教痛苦纏陽  
回風解凍雲散日當天轉盼沉疴起形神得兩全

病中口占示仲寅

結交滿四海惟一子由眞長公會言於子吾亦云憶  
昔年少日聚處闕冬春黃卷青燈畔討論共苦辛豈唯  
同硯席衾被亦相親自從弱冠後離合隨緣因各各謀  
稻粱經營未療貧邇來慕微祿彼此逐風塵役役利名  
場權洽轉難申昨歲同歸里鴈行復成羣方期話連床  
爲樂敘天倫胡我因沉疴痛苦纏厥身致子勞顧慮晝

夜省視頻雖云相聚處樂意焉能伸念此爲太息骨月  
情堪珍

鮑菴詩鈔

卷二

重



序

國朝襲明之舊以制藝取士而士之得與詞選者則課以詩兼課以賦故館閣中以詩賦傳者不下數百人其所得詩賦依科次薈萃成編迄二百年不廢明固未嘗有也猗歟盛哉文選序謂賦爲古詩之流或以宣上德而通諷諭或以抒下情而忠孝則所重乎賦者特因以觀其心之自爲抒寫而非僅以駢四儷六爭華鬪靡可知矣漢揚雄賦長楊唐李程賦日五色膾炙人口幾數千百祀我

朝文治日隆英賢輩出此館閣詩賦中安知不亦有揚館課存稿序

李其人者顧可視賦爲無當于文而畧之耶吾

兄升甫編修自入庶常時所作賦常爲顧南雅先生所嘆賞而吾兄自視則終以未及古人爲辭猶憶庚辰歲余以應試春闈入都與兄同寓保安寺街不兩月見南雅先生來往寓中無虛旬每至則相與講貫文字論史談經俯仰天人上下古今若有不可一世之概而亦以時論及近作畧爲敘次南雅之言曰升甫毋薄汝近體爲不足名世也異日黼黻

皇猷推闡

聖德當於斯乎遇之某隅坐敬聽爲歆念者亦數數于

茲矣詎意吾兄決棄舊作終不欲以一字傳示人間故  
雖處館數年課輒居最而同館徵刻詩賦竟置若罔聞  
者今已矣吾兄去世已十餘春矣作賦廿載不名一字  
豈其志在千古然哉歲辛丑兄嗣子益以篋中所存館  
課卷五本鈔寄來署此亦偶然遺之而非有意存之者  
也余私心竊喜以爲昔之不欲附于館閣諸公後者兄  
之志而今授諸剞劂與家集並傳乃烜之私烜之私亦  
猶不失乎兄之志也至其賦之工麗典則可否追蹤前  
賢則後之讀者自能知之而無事烜之論贊於其間已  
道光二十二年壬寅十月弟烜輝頓首謹序

館課存稿序

二

應天以實不以文賦

以題爲韻

阮燦輝

惟天眷聖申命用休惟聖憲天寅承以敬叅造化  
之洪鈞契真精之包孕貞原得一淵衷合撰於清  
甯極本函三昊緯潛通乎視聽雖觀文察變不離  
法象以推求而崇實黜浮要本神明爲感應原夫  
鴻濛剖判象緯昭宣命凝於穆功妙陶甄陽主施  
而陰主受動也直而靜也專爲復爲通不外一誠  
之蘊無聲無臭獨超萬物之先理以實而中含體  
本立於不貳德以實而下濟量自溥於大千故一  
言可盡其道而三極莫尊於天因茲以悟元功叅

館課存稿

一

治理欲識化機當思端委孰宜去而宜存不在彼  
而在此實爲文之宰不言而時物昭焉文緣實以  
流有象而變化見矣論精粗之共貫原自殊塗而  
同歸思內外之攸分尙毋以表而失裏將欲法而  
行之必先視其所以夫惟哲后綏猷聖人首出履  
泰運而當陽符乾元而上律以實心爲昭格誠可  
通微以實德爲感孚道原尙質禮樂通乎易簡固  
徵實效之昭彰政刑順乎慘舒亦見實行之醇壹  
其事非等於課虛其功端歸諸責實大美旣充浮  
文宜誦不踵事於紛華不矜奇於服物化不大乎

聲色妙合希夷言不誇乎采章出如綸綍在璣衡  
以齊政不陳瑞應之靈符觀星日以繪衣不侈昇  
平之黼黻與其飾外觀之象功效全無曷若存顧  
誕之神祇肅罔不是以德配上清神凝太始頌言  
日監在茲雅歌天保定爾有則天之量一心默協  
夫蒼穹有參天之功五緯顯呈夫休美日抱戴而  
揚輝月重輪而順軌星噉雲爛旦復旦兮光華雨  
順風調和召和兮欣喜覘麻慶之頻臻識凝承之  
有以蓋由君心守正治業克勤中存誠一外屏紛  
紜游衍出王常凜乎日明日且恪恭震厲無欺於  
不見不聞應乾健以自強修身靡怠應離明以遠  
照光被無垠斯執兩用中爲能盡君人之道而貫  
三以一從可稽王字之文仰惟

館課存稿

二

聖天子握璇圖膺寶祚玉燭調和珠囊闡布襲氣母而  
提元養心君而葆素  
撫辰凝績惟安止於幾康

恭已承庥弗鋪張乎治具所由

建極斂福庶徵應洪範之疇洵稱久道化成九寓進升

恒之賦

賦得十月先開嶺上梅

得先字五言八韻



尋芳來庾嶺梅葉信初傳占取羣花首開當十月  
先陽春多醞釀靜態自嬋娟翠嫩蒼崖秀冰圈玉  
暈妍高應塵不到淡與雪同鮮詎待衝寒放從知  
得地偏折曾逢驛使笑欲對癯仙

禁苑移根植清姿謝俗緣

人情以爲田賦 以題爲韻

阮燦輝

若夫地惟方寸形絕畦畛匪周原之膴膴匪禹甸之昫昫畝不列夫衡從在中有美壤無區乎多寡厥賦維均任彼荒蕪恐始基之盡棄深其灌溉斯生意之常伸當待澤之時望君無殊於望歲得因材之道樹穀卽等於樹人蓋以人也者五行稟秀二氣含精心源活潑性地靈瑩值機緘之旣啟遂情欲之紛呈感而遂通若土膏之乍動發而莫遏如穀種之方萌剛柔別乎五方擬燥濕之殊其性善惡分爲二致似埴埴之辨其名將欲擬薰萬寓

館課存稿

四

陶化八紘何以滌塵埃於九野何以普膏渥於羣生何以使飲和食德之儔咸淪肌而浹髓何以俾負素橫經之侶各淑性而陶情夫惟哲后綏猷明堂坐理立紀陳綱釋回增美物盡由庚民原如子則且以道德爲井疆以禮義爲耒耜以仁愛爲栽培以義理爲耘耔以文瀾學海爲甘澤之沾濡以春誦夏絃爲和風之披靡養其根而蒨其實機任自然達之壘而息之深道誠有以本原旣固播穫攸宜安良必先除莠存理卽以去私如水有防俗皆由禮若農有畔行無越思徑闢靈臺心豈同於

茅塞華敷藝圃言甯慮夫蔓滋惟迎機而使之自得乃遷善而不知誰爲是以情歸醇樸人被陶甄性禾擢穎意藥增妍墨稼筆耕硯田自無晚歲文條理幹書田長獲豐年穫而食食而肥厥效可觀苗而秀秀而實其天克全斯爲通德以類情咸得我  
我所誰則徇人而忘己致舍其田方今

帝德嶢嶢

皇恩布濩播四海之休和致八埏之趨附利則因民所

利

闡澤旁流

館課存稿

心則普物無心

淵衷常裕士佩實而銜華民歸真而抱素所以無偏無

黨用陳

皇極之疇甯徒旣好旣堅爲詠大田之賦

賦得叶氣流春

得春字五言八韻

物生暓以氣歲序首乎春叶合機斯順流通化乃均一元憑鼓盪萬象入陶鈞吹管中聲協登臺樂意真不言時自應有脚澤無垠橐轉條風暢膏沾好雨勻東皇初布令南陌盡懷新

乾心洽寰區頌

帝仁

館課存稿

六



木蘭秋獵賦

以秋獵大典詰戎肄武爲韻

阮燦輝

聖天子化行八寓光被九州聲靈欽其赫濯臣庶歸其懷柔固已宜昭乎駿烈闡播乎鴻猷乃猶患行軍之未整思練士之宜周謂文事必兼武備斯外甯可無內憂故弓矢載橐旣興歌夫肆夏而車徒是選用大閱於九秋也繫維木蘭地形曠行連鴈塞以威夷控龍堆而峻嶒北亘興安之嶺翠黛空濛東環伊遜之流綠波游演林結幄而雲垂草成茵而露泣毛羣穴處以棲遊羽族巢居而旒毳益壤本單于之舊曾任牧芻而圍倣周文之靈合行蒐館課存稿

獮我

七

皇上迺乘金根馳玉軼建虹旃揚星旆日御扶輿雲將持蓋雨師灑乎道塗風伯清乎塵蓋簇豹尾之鬃鬚騰龍媒之沛艾歷千三百里而周行統四十八旗而和會侍御盡貍貅之選或後或先追隨皆鶴鷺之班無小無大時則大火星流清商律轉冷露飄零涼雲舒卷月朗照於煙蘿風颺颺於霧嶽噉喉飛鴻之候落木山空引開盤馬之途平原草淺鷹祭鳥而豺祭獸物情猶感夫嚴威車旣攻而馬旣同田獵亦關夫鉅典遂望旌門駐仙蹕騁茲白

之良材選中黃之勁卒弓攝烏號矛持鶴膝錯列  
雲羅張施天罽走宋狔兮趨趨縱韓盧兮迅疾千  
乘雷動搖五嶽以齊呼萬騎星馳越層巖而奔突  
將以規眾志之攸同卽以致戎兵之克詰則見紛  
紜集霧歎飲生風張黃間而舍拔挂青翳而蒙籠  
命中國心

元后旣獨昭

聖武呈材獻技臣僚亦各有成功落雲間之雙鴈獲郊  
外之五豸是卽此順時以舉事奚啻於教民以卽  
戎然而

館課存稿

八

聖上猶恐好樂之有荒致從禽之爲累毋多取以傷仁  
勿盤遊以喪志筮失禽之不誠禮舉三驅思解網  
之從寬惠周庶類爰收置而弛罕用停驂而按轡  
天只望班師之羽葆天淨塵沙扈入暉之旗旄歡騰鼓  
吹又足徵

至德之汪洋非徒侈武功之講肄於是

行賞和門

頒鮮部伍威同雷厲與風行

恩亦冀歌而軒舞乘時布化象運轉於元功

勤政勅幾播休祥於

壽字以道德爲干城以仁義爲胷組固不徒詩賡甫草  
美盛事於周宣又豈若館建長楊侈遊觀於漢武  
賦得新晴錦繡紋

得陵字五言八韻

妙寫新晴景清詩憶少陵銅鉦光乍耀錦繡采還  
騰組織天工巧鮮妍霽色凝林端疑布綵花樣訝  
裁綾霞綺拖來麗雲羅曳處澄幾分春爛漫一片  
氣薰蒸蒼碧描難就丹青染未曾

太平多黼黻

壽寓日初升

館課存稿

九

八能言事賦

以冬至黃鍾之音調爲韻

阮燦輝

考遺文於漢志知典禮之肅雍屆天心之來復覘  
人事之敬共審聲定音五十闋羣音悉協吹管候  
氣卅六宮一氣包容惟養九德以調元律適應乎  
長至乃命八能以言事儀特舉於仲冬維時廣莫  
風飄凌毓氣熾芸吐芳姿梅含生意斗殷大角之  
躔日在峻狼之次宮令則申諸有司官僚則罷其  
無事雖安身靜體方以順氣候之閉藏而作樂導  
和亦以迓微陽之始至則有職居末秩能擅專長  
有美必合相得益彰例以八愷八元德應未逮擬

館課存稿

十

諸八俊八及才可相方既同升於天府久肄習於  
太常豈其效神瞽之考聲心遊太素抑或慕伶倫  
之協律治贊軒黃於是登殿陞奏笙鏞不先不後  
唱于唱喁疾徐既合高下相從如吹竽聲一一怡  
啟緹室重重追衆音之告備執一板而肅恭有要  
有倫紀事無忘其次序繫日繫月立言自得所統  
宗按其期則極遠景長時逢冬至記其律則徑三  
圍九數起黃鍾且也揄揚有體簡要不支明元音  
之中節本主德之無疵其言君道之得也則有贊  
美盛明之意其言孝道之褒也則有推求本始之



思非必記動記言等左右史之所掌奚啻書方書  
策綜大小事而靡遺詎以文爲貴者誠有味其言  
之所以傳爲典故載在詞林制相沿而弗廢語以  
切而可尋意非率以操觚言惟紀實事有待於載  
筆法本宜今分之則人自爲書非出一手合之則  
辭無異旨宛有同心舉凡角徵羽商皆宜傳信寧  
比眡瞭瞭瞍第解審音然而虛文雖具實美未昭  
彼良臣之紀錄祇當日之科條曷若我

皇上心叅造化樂叶咸韶旣精詳於

釐訂自屏斥乎煩囂考故府之宮懸后夔可作集

館課存稿

十一

昇平之雅頌翹鳳非遙允堪鼓吹休明八伯之賡歌  
載積從此節宣元氣千秋之律呂常調

賦得講易見天心

得心字五言八韻

羲易含真宰燕公講貫深討論陳古義洞澈見天  
心靜極應生動陽微足統陰葭灰飛幕室梅點綻  
雲岑解向源頭索機從箇裏尋河圖緘盡啟月窟  
影初臨騶衍談無當橫渠學共欽折衷歸

御論造化契

宸襟

四時和謂之玉燭賦

以題爲韻

阮燦輝

天道無言歲功有次日星爲紀辰則惟三寒暑相  
推時原定四順乎正而不差行以和而盡利持其  
柄也權必歸諸聖人成厥功焉職本屬夫天吏瞻  
珠囊之朗照麗赫赫凝輝慶玉燭之常調昭融應瑞  
原夫大鈞幹運二氣潛移互根動靜迭見盈虧自  
容城而推策迨唐帝而授時三百六旬兼春夏秋  
冬而積算七十二候按分至啟閉以爲期占日景  
之短長測圭能定驗時光之代謝鑽燧可知惟太  
和之保合斯歲序之攸宜不盈不縮相盪相摩功

館課存稿

五

資水火金木秩辨成易作訛診矣俱消風以散而  
雨以潤豫順以動府惟修而事惟和祥凝泰宇之  
中薰蒸逾潤瑞靄光天之下絢爛彌多溫潤維何  
玉堪髣髴精孕育於大初澤沾濡於庶彙王綰諧  
而八風鬯悉協涼溫玉衡察而七政齊自成經緯  
仰斗車於帝極運若循環書雲物於靈臺真堪望  
氣故以玉爲豐年之美誠屬有徵而以玉爲乾德  
之符尤非無謂至若休光所被遐燭無遺浥濃膏  
於湛露騰麗彩於炎曦方木火之乘權固自他而  
有耀卽金水之布令亦屢照而不疲豈螭龍之吐

燄豈蠟鳳之凝脂豈金蓮之璀璨豈火樹之離披  
十色騰輝直合閻浮而普遍八紘繼照雖經終古  
而如斯若薪傳不知其盡也詎燭火可得而擬之  
乃知元氣之冲融卽化工所繫屬以和爲貴道原  
陰受而陽施與時偕行機自往過而來續鴻鈞旣  
妙其甄陶駒隙莫驚其迫促試觀周天之躔度儀  
可窺銅倫譜虞帝之琴絃軫還鳴玉以故慶集璇  
圖光生寶籙五行藉以節宣庶類資其亭壽和能  
動物含灑氣爲吹噓和乃凝床溥春膏之饒沃琪  
花瑤草並擢秀於瓊階璧月珠星益增華於晴旭

館課存稿

洵有道之威亨亦無幽而不燭我

皇上德契清甯心參象數法不息之健行大無私之陶  
鑄瑤樞繫轉四時之次序無違金鏡長明四表之  
光華遠布八庶徵悉應

昌期億萬載永延洪祚從此重熙累洽春臺沾煦  
之和卽今

益壽延齡

化寓獻升恒之賦

賦得多文爲富 得多字五言八韻

披卷無猗頰銀編手勘摩三餘三味足一字一縑

多錦是花毫映莊寧墨寶過誰將庚癸乞或傲丙  
丁羅軸滿奚虞樸斲遺却可訶百城堪擁處環堵  
敢輕他圭璧瑕難指金根字莫訛書囊無底在  
麟閣富如何

館課存稿

古

12370

